



18. august 2020

UKA 2020/80

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara.

Akiliisitsiniartarnermut oqartussaaffiup kommunenut tunniunneqarpat qanoq iluaqutaasinnaanersoq pillugu Inatsisartunut apeqquteqaat aallaavigalugu oqallisissiaq.

(Inatsisartunut ilaasorta, Aqqalu C. Jerimiassen, Atassut)

Tusartuortarparput inuit akiitsui qanoq annertutiginersut, sulilu piffissami sivittajaami tusakulukallassagipput ilimanarluni, qanoq iliuseqarfigingikkutsigu.

Uagulliuna qanoq innuttaasunut kiffartortuunitsinni kiffartuussinerup pitsaanerusemiinnissaa anguniarlugu iliuseqarsinnaasugut?

Inuitaaqllanngaassivikkut kiffaanngissusiirlugit pinngitsaaliissummik akiitsuminnik akiliisinniartassanngilagut aningaasarsiassaanniit ilanngartorlugit. Tamanna inunnik tatiginninnerunngilaq. Inuit qanimut suleqatiginissaat pingaaruteqarpoq, najugaqarfigisamat qanittumut. Sumiiffitsinni pisut ilisimakkajuttarpagut, susoqarnersoq, inuit kikkut, inuussutissarsiutigineqartut, sunillu nioqquteqartoqarnersoq. Tamakkulu kommunini sulisut aamma ilisimalluarpaat

Akiliisitsiniartarnermut oqartussaaffik Kommuniniit oqartussaaffigineqaqqilertuuppat inuit aamma sumiiffimmik orniguffissaqalissapput, akiliisitsiniartarfiullu inuit pissarsiariuminartinnerussagaluarpaat, ikiorlugit, sumiiffimmini inuttulu atugaat paasillugu, tulluurtumillu akiliisinnaanissaannut periarfissillugit.

Eqiterusussisimaneq kingumut iluatsinngitsoq takusinnaareerparput, inuit qanimut sullinneerukkamik aallunneerullutik akiitsut qaffariartupiluulernerujussuinik naleqalerpoq, qernertuliornissamullu periarfissaq annertunerusinnaalluni.

Akiliisitsiniartarnermut oqartussaaffiup sinerissamat siammartariaqarnera sulissutigisariaqalerparput. Eqiterussuarneq inuiaqatigiinni iluaqutaarpasinngitsoq takusinnaavarput, assersuutigalugu akiliisitsiniartarnermut kinguaattooqqasorujussuusoq.

Kommunit sullissiviinut akiliisitsiarnarnermut oqartussa qarfiit nuuttariaqarnerat oqallisigisariaqarparput, innuttaasut qanimut sullinneqartutut misigeqqilertariaqaramik qeqqaniillu aqutsinerujussuaq illikartikkiartuarlugu.

Oqallilluarnissassinnik kissaappassi.